

ԱՂՈԹՔՆԵՐ
ՍՈՒՐԲ ՀՈԳՈՆ

Renovabis



ԲԱՑԻՐ ՍԻՐՏՍ

Ստամբուլը՝ Միքայել Կոնյո



Սիրելի աղոթակիցներ,

Սուրբ Հոգին է, Ով մեր մեջ ամեն տեսակ բարին է գործում (*հմմտ. Հռոմ. 8, 26*): Իր ներկայությունը այժմ կարևոր է առավել, քան երբևէ: Իր շնորհներով ենք նորոգվում, իմաստանում, հավատքի մեջ ամրանում և բժշկվում: Նաև Սուրբ

Հոգու շնորհներն են օգնում մեզ տարբերել այն, ինչ մեզ համար բարի է և կամ էլ ընդհակառակը՝ վնասակար: Սակայն Սուրբ Հոգին նաև սեր է, որն ուղղորդում և մղում է մեզ առ Աստված և մեր մերձավորները:

Այս աղոթագրքույկը նպատակ ունի ուղեկից դառնալու՝ Աստվածային Հոգու հետ մեր անհատական հանդիպման: Դրան է ծառայում նաև այս գրքույկի հարմարավետ չափը. մենք կարող ենք այն ամենուրեք մեզ հետ վերցնել: Միաժամանակ այն պետք է ծառայի միասնական աղոթքին: Ի վերջո, Սուրբ Հոգին միավորում է մարդկանց:

Սույն գրքույկով, որն արդեն հասանելի է տարբեր լեզուներով, մենք ցանկանում ենք աղոթքի մի կամուրջ կառուցել մեզ հետ համագործակցող Կենտրոնական, Արևելյան և Հարավարևելյան Եվրոպայի երկրներում ապրող մարդկանց միջև, որովհետև ուր Աստծո Հոգին ներկա է, այնտեղ միություն և փոխադարձ հասկացողություն է տիրում:

Thomas Humante

Թոմաս Շվարց, ածբն. գիտ. դոկտ., պրոֆ. Ռենովաբիսի գլխավոր գործադիր տնօրեն



ՇՆՉԻՐ ԻՍ ՄԵԶ

Շնչիր իմ մեջ, ով Սուրբ Հոգի,
Որպեսզի սուրբ լինեն մտքերս:

Սղիր ինձ, ով Սուրբ Հոգի,
Որպեսզի սուրբ լինեն գործերս:

Առինքնիր ինձ, ով Սուրբ Հոգի,
Որպեսզի սիրեմ սրբությունը:

Զորացրու՛ ինձ, ով Սուրբ Հոգի,
Որպեսզի պահպանեմ սրբությունը:

Պաշտպանիր ինձ, ով Սուրբ Հոգի,
Որպեսզի երբեք չկորցնեմ
սրբությունը:

Վերագրվում է Ս. Օգոստինոս Երանելուն

ԱՐՈՅՔ ՍՈՒՐԲ ՀՈԳՈՒ ՀԱՄԱՐ

ԱՐԻ՛, ՍՈՒՐԲ ՀՈԳԻ

Լցրու՛ ինձ ամբողջությամբ,
 Տուր ինձ ուժ,
 Պարզևհիր ինձ քաջություն,
 Նետիր ինձ աստվածային հրի մեջ,
 Թող որ կյանքի ջուրը ցայտի,
 Ոռոգիր ինձ Քո Հոգով,

Վերցրու՛ իմ վախը,
 Վերցրու՛ իմ պապանձումը,
 Վերցրու՛ իմ վարանումը,
 Վերցրու՛ իմ անվստահությունը,
 Վերցրու՛ իմ միայնակությունը,

Վերցրու՛ ինձ

և տուր ինձ

Անվերջ կարոտ:

© Անդրեա Շվարց

Արի՛, Սուրբ Հոգի,
 Դու՛ հոգի ճշմարտության, որ ազատագրում է մեզ:
 Դու՛ հոգի փոթորկի, որ հուզում է մեզ:
 Դու՛ հոգի քաջության, որ զորացնում է մեզ:
 Դու՛ հոգի հրո, որ վստահության արժանի է
 դարձնում մեզ:

Արի՛, Սուրբ Հոգի,
 Դու՛ հոգի սիրո, որ միավորում է մեզ:
 Դու՛ հոգի ուրախության, որ երջանկացնում է մեզ:
 Դու՛ հոգի խաղաղության, որ հաշտեցնում է մեզ:
 Դու՛ հոգի հուսո, որ բարիացնում է մեզ:

Արի՛, Սուրբ Հոգի:

Լեոնարդո Բոֆֆ



ՎՐՈՒԹՅ ՍՈՒՐԲ ՀՈԳՈՒՆ



Ո՛վ Սուրբ Հոգի,
 Որ սերն ես Հոր և Որդու,
 Հուշի՛ր ինձ միշտ՝ ինչ պիտի խորհեմ:
 Հուշի՛ր ինձ միշտ՝ ինչ պիտի խոսեմ
 և թե ինչպես պիտի խոսեմ:
 Հուշի՛ր ինձ՝ ինչի մասին պիտի լռեմ
 և թե ինչպես պիտի այդժամ գործեմ:
 Հուշի՛ր ինձ՝ ինչ պիտի անեմ ի փառս Աստծո
 և հոգիների բարօրության
 Ու սեփական անձիս սրբացման համար:

Սուրբ Հոգի,
 Տու՛ր ինձ իմաստություն՝ հասկանալու
 և ճանաչելու:
 Տու՛ր ինձ ըմբռնելու կարողություն՝
 Ամեն բան մտապահելու:
 Սովորեցրու՛ ինձ միջոց և տու՛ր ինձ



Ունակություն՝ նորից ու նորից ուսանելու:
 Տու՛ր ինձ խորաթափանցություն՝
 Ճիշտ մեկնաբանելու և զանազանելու:
 Տու՛ր ինձ շնորհ՝
 Ազդեցիկ խոսելու:

Սուրբ Հոգի,
 Տու՛ր ինձ վստահություն և
 Շեշտակիություն ճանապարհիս սկզբում,
 Ուղեկցի՛ր ու առաջնորդի՛ր ինձ իրագործելիս,
 և շնորհի՛ր ինձ կատարելություն
 Ավարտելիս:
 ԱՄԵՆ

Այս աղոթքը Հովհաննես Պողոս Բ Պապն ընթերցել է ամեն օր

ՍՈՒՐԲ ՀՈԳԻ

Դու, որ ազատագրող շունչն ես կենաց,
Ոռոգի՜ր ամօրյաս ցողովդ զովության,
Որպեսզի այն ամենը,
Ինչ միակերպ ու ձանձրալի է իմ մեջ,
Բաբախի կրկին՝
Ջնայլվելու և նվիրաբերվելու
Քո զարկերակում եռանդուն:

Սուրբ Հոգի,
Դու, որ պատվասիրության խնամողն ես,
Պարզևհի՜ր խիզախություն՝
Մերժման, կորստի կամ քննադատության ահից
Ինքս ինձ չդավաճանելու:
Պահպանի՜ր ինձ համար
Ազատագրող ճշմարտությունն առ այն,
Թե ով եմ ես իրապես Աստծո աչքում
ամենատես:

Սուրբ Հոգի,
Դու, որ անբիժ աղբյուրն ես նորոգման,
Լցրու՛ վրաս ջուրդ բժշկարար,
և թող ներկայությամբդ փարատվի
Միայնակության ու տարակուսանքի ամեն
հատված:

Սուրբ Հոգի,
Վերափոխի՜ր կյանքի լիությունը իմ մեջ:

*Քույր Թեոդորա Շուկակ, Սուրբ Փրկչի առաքելության
քույրերի միաբանություն*





ՍՈՒՐԲ ՀՈԳԻ

Սու՛րբ Հոգի,
 Դու՛ հոգի ճշմարտության, լուսավորի՛ր ինձ,
 Որ կյանքում էականը զանազանեմ:

Դու՛ հոգի զորության, արա՛ այնպես,
 Որ ոտքերիս տակ ամուր հող ունենամ:

Դու՛ հոգի ազատության, ձերբազատի՛ր ինձ,
 Որ սովորեմ ծառայել
 Խաղաղությանն ու արդարությանն ամենքի:

Դու՛ հոգի խորհրդի, հրապուրի՛ր ինձ,
 Որ համարձակվեմ ճամփորդել Աստծո հետ:

Դու՛ հոգի գիտության, ուղղորդի՛ր մտքերս,
 Որ արարչությունդ և արարածներիդ սրտացավ
 մեծարեմ:

Դու՛ հոգի աղոթքի, աղոթի՛ր ներսումս,
 Որ Աստված կարողանա իմ մեջ խոսել:

Դու՛ Աստծո հոգի սիրո, պահպանի՛ր ինձ,
 Որ ընդմիշտ հուսո մեջ և հույսով ապրեմ:

Ես կամենում եմ ճանապարհ ընկնել նոր
 ավյունով
 և նվիրվել գալստյանը նոր աշխարհիդ:

Լուիս Գուրնդին

Ո՛Վ ՀՈԳԻ ԱՍԾՈՒ, ՈՐ ՆԵՐՍՈՒՄՍ ԵՍ

Սովորեցրու՛ ինձ ավելի շատ սիրել Քեզ,
Որ կարողանամ հետևել իմ Տիրոջն ու Աստծուն,
Հիսուս Քրիստոսին և առօրյայում
Նրա հետքերով շարժվեմ:
Սովորեցրու՛ ինձ՝ հավատքում ավելի խոր աճել
և դառնալ այն,
Ինչ Դու սկզբից ի վեր բոլորիս համար կամեցել ես:

Սուրբ Հոգի, ապրի՛ր իմ մեջ:
Ամեն

Քույր Նադյա Ռուժիկա, Ս. Բենեդիկտի միաբանություն



ՍՈՒՐԲ ՀՈԳԻ

Սուրբ Հոգի, տու՛ր ինձ այն հավատքը,
Որն ինձ փրկում է տարակուսանքից ու մեղքից:
Տու՛ր ինձ այն սերը՝ Աստծո և մարդկանց
հանդեպ,
Որն ինձ մաքրում է ատելությունից ու
դառնությունից,
Տու՛ր ինձ այն հույսը, որն ինձ ազատագրում է
Վախից և հուսահատությունից:

Դիտրիխ Բոնհոֆեր

ՎՐԻ՛, ՍՈՒՐԲ ՀՈԳԻ: ՄԵՆՔ ՔՈ ԿՎՐԻՔՆ ՈՒՆԵՆՔ

Արի՛, Սուրբ Հոգի: Մենք Քո կարիքն ունենք:
Մյուսները սպասում են մեր խոսքին,
Իսկ մենք երկչոտ ենք:
Մեր բերանով մի խոսք ասա՛,
Որը նրանց ճանապարհ ցույց կտա:

Արի՛, Սուրբ Հոգի: Մենք Քո կարիքն ունենք:
Ինքներս հոգնած ենք և սողոսկում ենք այնտեղ,
Ուր մեր հանգիստը պետք է գտնենք:
Տուր մեզ ուժ՝ դեպի մյուսները դառնալու,
և թո՛ղ որ դա օգնի նրանց:

Արի՛, Սուրբ Հոգի: Մենք Քո կարիքն ունենք:
Ինքներս մեզ չափազանց կարևորություն
ենք տալիս:
Սակայն երբ Դու ես հավում մեզ, ապա զգում
ենք այն,
Ինչ երկնավոր Հայրն է ասում.
«Դու կարևոր ես Ինձ համար»:

Արի՛, Սուրբ Հոգի: Մենք Քո կարիքն ունենք:
Մենք շտապում ենք, քանզի դեռ այնքան
անելիք կա:
Սակայն Քո կողքին կարող ենք մի պահ
շունչ առնել,
Աստծո սերը ներշնչել
և մեր թշվառությունն արտաշնչել:

Արի՛, Սուրբ Հոգի: Մենք Քո կարիքն ունենք:
Երբ դիպչում ես Դու մեզ,
Մյուսների դեմքին նշմարում ենք այն լույսը,
Որն Աստծուց է գալիս:

Թիմանն Բեյլեր





ՀՈԳԻ ԿԵՆԱՑ

Հոգի՛ կենաց, բացի՛ր սիրտս
Պարզևներիդ և շնորհներիդ համար:

Հոգի՛ ճշմարտության, թո՛ղ որ կարծիքների այս
խառնաշփոթում
Աստծո ճշմարտությունը ճանաչեմ:

Հոգի՛ սիրո, փոխակերպի՛ր ինձ,
Որպեսզի կարենամ իրապես սիրել:

Հոգի՛ խաղաղության, օգնի՛ր ինձ՝
խաղաղություն և հաշտեցում սերմանել:

Հոգի՛ ուրախության, շնորհի՛ր ինձ գոհություն՝
Կյանքում եղած ամեն բարու և զեղեցկության համար:

ԿԵՆՂԱՆԱՑՆՈՂ ՀՈԳԻ

Սու՛րբ Հոգի,
Դու՛ կենդանացնող կյանք,
Տիեզերքի զորութենական ուժ և արմատ արարչության,
Մաքրի՛ր արարչությունդ աղտոտվածությունից,
Ջնջի՛ր մեղքն ու դարմանի՛ր վերքերը:

Ո՛վ, փայլատակող կյանք, որ միայն
փառաբանության ես արժանի,
Սթափեցրո՛ւ և վերստին արթնացրո՛ւ տիեզերքը:

Հիլդեգարդ ֆոն Բինգեն

ՈՎ ՍՈՒՐԲ ՀՈՒՐ

Ո՛վ սու՛րբ հուր,
Այրվի՛ր մեր սրտերում:
Ո՛վ սու՛րբ ջուր,
Հոսի՛ր մեր հարաբերություններում:
Ո՛վ Սու՛րբ Հոգի,
Թևավորի՛ր մեր մտքերը:
Ո՛վ սու՛րբ կողմնակից,
Խոսի՛ր մեր ներսում:
Ո՛վ սու՛րբ աղավնի,
Թռչի՛ր մեր աշխարհով մեկ:
Ո՛վ սու՛րբ սեր,
Ոգեշնչի՛ր մեզ ամենքիս:

Անտոն Ռոստեպետ

ԱՍՏՈՒ ՇՈՒՆՉ



Աստժո՛ շոՒնչ, Սո՛ւրբ Հոգի,
Որի մեջ շնչում, որի միջից շնչում, որի միջոցով շնչում եմ:
Շարժիր և արթնացրո՛ւ ինձ:

Պատրաստիր ինձ՝ ամենից աղքատներին օգնելու համար:
Խրախուսիր ինձ՝ երկխոսությանը ծառայելու համար,
Զորացրո՛ւ ինձ՝ ճշմարտությունը վկայելու համար:

Աստվածային Հոգու ուժ, որը խոստացվել է Որդուց և ուղարկվել Հորից,
Պահպանիր ինձ մեծամտությունից և գոռոզությունից:
Ուղեկցիր ինձ ամենօրյա հանդիպումներիս ընթացքում:
Պարզևհիշ ինձ մարդկանց մեջ շնորհների բազմազանության
Բացահայտելու ունակություն:
Պահպանիր ինձ անարդար և անտեղի թշնամությունից:
Ծածկիր ու պաշտպանիր ինձ բոլոր վեճերում և բախումներում:

Սո՛ւրբ Հոգի, որ նեցուկն ես եկեղեցուդ,
Պահպանիր այն և ուղեկցիր իր ճանապարհին ժամանակի միջով:
Թո՛ղ եկեղեցին որև՛ մեկին չկորցնի այդ ընթացքում:
Թո՛ղ նաև մենք մշտապես եկեղեցուդ հետ դեպի Քեզ տանող ճանապարհին մնանք:

Աստվածային Մխիթարիչ:
Մենք չգիտենք,
Թե ապագան ինչպիսին է լինելու,
Մենք չգիտենք, թե ինչպիսի
Մարտահրավերների առջև ենք կանգնելու:
Մենք չգիտենք, թե դրանց ժամանակ ուժեղ կամ թույլ ենք գտնվելու:
Սակայն Դու մխիթարում ես մեզ ներկայությանդ խոստումով:

Դու զորացնում ես մեզ շնորհներովդ:
Դու պաշտպանում ես մեզ սիրո ուժովդ:
Եղիր մեզ հետ Աստժո արքայության կառուցման ընթացքում,
Ուր մենք Քո միջոցով կարող ենք երկրպագել ու փառաբանել Հորը և Որդուն
Ամեն օր և հավիտյանս հավիտենից:
Ամեն

Թո՛մաս Շվարց

Հրատարակող՝ **Renovabis**,
գերմանական կաթոլիկների սովորարության
նախաձեռնություն՝ Կեստրոնական և Արևելյան Եվրոպայի
երկրների մարդկանց հետ
Հասցե՝ Domberg 38/40, 85354 Freising, Germany
www.renovabis.de - © Renovabis
5-րդ ընդլայնված հրատարակություն, փետրվար 2025 թ.
Խմբագիր՝ Թոմաս Մ.Պ. Շուման
Գծապատկերումը՝ ReclameBüro, Մյունխեն

Շպայիկի նկարը՝ Ամնա Մակաչ, Լվով
Թարգմանությունը գերմաներենից՝ Հարություն Գ.
Հարությունյան, Երևան
Հայերենի տպգրունդ՝ Անահիտ Սարգսյան, Երևան



«Հոգիդ ուղարկում ես՝
ստեղծվում են. Եւ դու նորոգում
ես երկրի երեսը:»

Սաղմ.104, 30

